

ხელშეკრულება # 11-1/292  
სახელმწიფო შესყიდვის შესახებ  
(გამარტივებული შესყიდვა)

18 აგვისტო 2017წ.

ქ. თბილისი

ერთის მხრივ, სსიპ საქართველოს ეროვნული მუზეუმი, (შემდგომში - „შემსყიდველი“) წარმოდგენილი მისი გენერალური დირექტორის დავით ლორთქიფანიძის სახით და მეორეს მხრივ, შპს „ბრიკო კავკასუსი“ (შემდგომში - „მიმწოდებელი“) მისი დირექტორის მამუკა დოლიძის სახით „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის შესაბამისად, დებენ წინამდებარე ხელშეკრულებას შემდეგზე:

**1. ხელშეკრულების საგანი**

1.1. სსიპ საქართველოს ეროვნული მუზეუმის საკუთარი შემოსავლების სახსრებიდან, CPV 44500000 - ხელსაწყოების, საკეტების, გასაღებების, ანჯამების, დამჭერების, ჯაჭვების, ზამბარები/რესორების შექმნა (საფუძველი: შიდა უსაფრთხოების დეპარტამენტის უფროსის - დავით ჩიხლაძის 2017 წლის 13 ივლისის #2956 მოხსენებითი ბარათი).

**2. ხელშეკრულების ობიექტი და ღირებულება**

2.1. ხელშეკრულების ობიექტს წარმოადგენს, სსიპ საქართველოს ეროვნული მუზეუმის უსაფრთხოების დეპარტამენტის გამართულად მუშაობის უზრუნველსაყოფად შემდეგი საქონლის შექმნა.

(ლარი)

#	საქონლის დასახელება	განზომილება	რაოდენობა	ერთეულის ფასი (დღგ-ს ჩათვლით)	სულ თანხა (დღგ-ს ჩათვლით)
1	თავაკების ნაკრები დამჭერით (ნაკრები 32 ცალი)	ცალი	1	28,00	28,00
2	მკვნეტარა (150 მმ)	ცალი	1	5,45	5,45
3	ბრტყელტუჩა (175 მმ)	ცალი	1	7,10	7,10
4	ციფრული მულტიტესტერი (UNIVERSAL)	ცალი	1	29,00	29,00
<b>სულ სახელშეკრულებო ღირებულება:</b>			<b>4</b>		<b>69,55</b>

2.2. ამ ხელშეკრულებით გათვალისწინებული საქონლის მთლიანი ღირებულება შეადგენს 69,55 (სამოცდაცხრა ლარი და 55 თეთრი) ლარს დღგ-ს ჩათვლით.

**3. შესყიდვის ობიექტის მოწოდების ვადა და ადგილი**

3.1. ხელშეკრულებით გათვალისწინებული საქონლის მოწოდების ვადა: 2017 წლის 31 აგვისტო.

3.2. მოწოდების ადგილი: ქ. თბილისი, მარშალ გელოვანის #8.

**4. შესყიდვის ობიექტის მიღება-ჩაბარების წესი**

4.1. შემოწმებით თუ მოწოდებული საქონელი აკმაყოფილებს შემსყიდველის მოთხოვნას, მხარეთა შორის ფორმდება მიღება-ჩაბარების აქტი, რომელიც ხელმოწერებით უნდა დაამოწმონ შემსყიდველისა და მიმწოდებლის უფლებამოსილმა პირებმა.

4.2. საქონელი ჩაითვლება სრულად შესყიდულად მიღება-ჩაბარების აქტის გაფორმების შემდეგ.

**5. ანგარიშსწორების პირობები**

5.1. საქონლის შესყიდვის ღირებულების ანაზღაურება ხორციელდება ფაქტიურად მოწოდებულ საქონელზე წარმოდგენილი საგადასახადო ანგარიშ-ფაქტურის, სასაქონლო ზედნაძების და ორმხრივად გაფორმებული მიღება-ჩაბარების აქტის საფუძველზე 10 (ათი) საბანკო დღის განმავლობაში.

5.2. ანგარიშსწორება იწარმოებს უნაღდო ანგარიშსწორებით, ლარებში, მიმწოდებლის რეკვიზიტებში მითითებულ საბანკო ანგარიშზე.

**6. მხარეთა ძირითადი უფლება-მოვალეობანი**

6.1. შემსყიდველს უფლება აქვს:

- 6.1.1. მოსთხოვოს მიმწოდებელს ხელშეკრულების ჯეროვანი, დროული და კეთილსინდისიერი შესრულება;
- 6.1.2. განახორციელოს კონტროლი და ზედამხედველობა ხელშეკრულებით გათვალისწინებული პირობების შესრულებაზე;
- 6.1.3. მოსთხოვოს მიმწოდებელს დეტალური ინფორმაცია მისაწოდებელი საქონლის შესახებ.

6.2. შემსყიდველი ვალდებულია:

- 6.2.1. გადაიხადოს საქონლის ღირებულება ამ ხელშეკრულებით გათვალისწინებული წესითა და ოდენობით;
- 6.2.2. მოწოდებული საქონლის ნაკლის აღმოჩენის შემთხვევაში, დაუყოვნებლივ წერილობით აცნობოს მიმწოდებელს და მოითხოვოს ნაკლის აღმოფხვრა;
- 6.2.3. დაიცვას ხელშეკრულებით განსაზღვრული სხვა პირობები.

6.3. მიმწოდებელს უფლება აქვს:

- 6.3.1. მოსთხოვოს შემსყიდველს მოწოდებული საქონლის ღირებულების ანაზღაურება ხელშეკრულებით გათვალისწინებულ ვადებში;
- 6.3.2. მოითხოვოს შემსყიდველისგან ხელშეკრულების სხვა პირობების დაცვა.

6.4. მიმწოდებელი ვალდებულია:

- 6.4.1. მოაწოდოს ხელშეკრულებით გათვალისწინებული საქონელი;
- 6.4.2. მოწოდებული საქონლის ნაკლოვანების შემთხვევაში თავისი ხარჯით უზრუნველყოს აღნიშნული ნაკლის გამოსწორება;
- 6.4.3. წინასწარ აცნობოს მოსალოდნელი შეფერხების შესახებ;
- 6.4.4. ჯეროვნად შეასრულოს ხელშეკრულებით გათვალისწინებული ყველა პირობა.

**7. მხარეთა პასუხისმგებლობა ხელშეკრულების პირობების დარღვევისას**

- 7.1. მიმწოდებელი პასუხისმგებელია მოწოდებული საქონლის ხარისხზე და ვალდებულია სრულად აუნაზღაუროს შემსყიდველს ნებისმიერი ზიანი, რომელიც მას შეიძლება მიადგეს უხარისხო ან საქონლის მოწოდების გამო.
- 7.2. ხელშეკრულებით ნაკისრი ვალდებულებების არაჯეროვნად შესრულების ან შეუსრულებლობის შემთხვევაში ყოველი დაგვიანებული დღისათვის მხარეებს ეკისრება პირგასამტეხლო ხელშეკრულების საერთო ღირებულების 0.01% ყოველ ვადაგადაცილებულ დღეზე.
- 7.3. პირგასამტეხლოს გადახდა არ ათავისუფლებს მიმწოდებელს საქონლის მოწოდების ვალდებულებისაგან.
- 7.4. თუ დაკისრებული პირგასამტეხლოს ჯამური თანხა გადააჭარბებს საანგარიშსწორებო პერიოდისათვის მოსაწოდებელი საქონლის ღირებულების 10 %-ს შემსყიდველს უფლება აქვს მიიღოს გადაწყვეტილება ხელშეკრულების სრული ან მისი ცალკეული პირობების მოქმედების შეწყვეტის შესახებ.

**8. ხელშეკრულების ინსპექტირების პირობები**

- 8.1. შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელონ კონტროლი მიმწოდებლის მიერ ნაკისრი ვალდებულებების შესრულებაზე.
- 8.2. თუ შესყიდვის ობიექტი არ შეესაბამება ხელშეკრულების პირობებს და არსებული სტანდარტების მოთხოვნებს, შემსყიდველი მიმწოდებელთან ერთად, ან მის გარეშე ადგენს აქტს შესაბამისი წესის შესაბამისად.
- 8.3. გამოვლენილი დეფექტის ან ნაკლის აღმოფხვრასთან დაკავშირებით და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.
- 8.4. მიმწოდებლის მიერ ნაკისრი ვალდებულებების შესრულების კონტროლს შემსყიდველის მხრიდან განახორციელებს, დავით ჩიხლაძე - შიდა უსაფრთხოების დეპარტამენტის უფროსი.

**9. ფორს-მაჟორი**

- 9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნას ომით სტიქიური მოვლენებით, ეპიდემიით, კარანტინით, ემბარგოს დაწესებით და სხვა.
- 9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების

შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდან ფორს-მაჟორული გარემოებების ზეგავლენისაგან.

#### 10. ხელშეკრულების პირობების გადასინჯვის შესაძლებლობა

- 10.1. არავითარი გადახდა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.
- 10.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 10.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.
- 10.4. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

#### 11. ხელშეკრულების მოქმედების ვადა

- 11.1. ხელშეკრულება ძალაშია ხელმოწერის დღიდან და მოქმედებს 2017 წლის 31 დეკემბრის ჩათვლით.
- 11.2. მიმწოდებელს უფლება აქვს ვადაზე ადრე მაწოდოს შემსყიდველს ამ ხელშეკრულებით გათვალისწინებული საქონელი.
- 11.3. ხელშეკრულებით ცალკეული პირობების მოქმედების შეწყვეტა მხარეებს არ ათავისუფლებს ნაკისრი ვალდებულებების შესრულებისა და მოწოდებული საქონლის ანაზღაურების ვალდებულებისაგან.

#### 12. დავების გადაწყვეტის წესი

- 12.1. ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი არაოფიციალური მოლაპარაკებების მეშვეობით შეთანხმებით მოაგვარონ ხელშეკრულების ირგვლივ წარმოქმნილი ნებისმიერი უთანხმოება და დავა.
- 12.2. თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადავო საკითხების შეთანხმებას, ნებისმიერ მხარეს შეუძლია მიმართოს დავის გადაწყვეტის დადგენილ წესს.

#### 13. დასკვნითი დებულებანი

- 13.1. „სახელმწიფო შესყიდვის შესახებ“ საქართველოს კანონის მე-8 მუხლის შესაბამისად სახელმწიფო შესყიდვის განხორციელებაში მხარეების მონაწილეობა არ იწვევს ინტერესთა კონფლიქტს.
- 13.2. წინამდებარე ხელშეკრულებით გათვალისწინებული პირობები რეგულირდება საქართველოს კანონმდებლობით.
- 13.3. მიმწოდებელს არა აქვს უფლება გადასცეს მესამე პირს თავისი უფლებები და მოვალეობები შემსყიდველის წერილობითი თანხმობის გარეშე.
- 13.4. მესამე პირთან ურთიერთობაზე მხარეები მოქმედებენ თავიანთი სახელით, ხარჯითა და რისკით.
- 13.5. ხელშეკრულება შედგენილია თანაბარი იურიდიული ძალის მქონე 2 (ორი) ეგზემპლარად და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

#### 14. მხარეთა რეკვიზიტები

„შემსყიდველი“

„მიმწოდებელი“

სსიპ „საქართველოს ეროვნული მუზეუმი“  
საიდ. კოდი: 204468664  
მის: ქ. თბილისი, რუსთაველის გამზ.#3.  
ტელ: 298 21 35.  
მიმღების ბანკი - სახელმწიფო ხაზინა  
მიმღების დასახელება - ხაზინის ერთიანი ანგარიში  
ბანკის კოდი - TRESGE22  
მიმღების ანგარიში/სახაზინო კოდი - 708467499

შპს „ბრიკო კავკასუსი“  
მის/იურიდი: ქ. თბილისი, ვაშლიჯვარი.  
ტელ: 251 74 00/01/02.  
საიდენტ: 405067494  
სს „რესპუბლიკა ბანკი“  
კოდი: REPLGE22  
ა/ა GE80BR 0000 0102 8653 2759

დავით ლორთქიფანიძე  
გენერალური დირექტორი

მამუკა დოლიძე  
დირექტორი

